

# Буудя гаргългъиг икдүлхмн

Эн джил Хальмг республикин колхозмуд болн совхозмуд селәнә эдл-ахун производствд нүүрлгч дамшлт болн наукин күүцвр сәәнәр отзлсн учрар, намрар болн хаврар тәрсн тәрәнәсн ик ургъц авчав.

1958 джилн августин 10-д диглсн тоогъар болхла республикин колхозмуд болн совхозмуд эн джил государствд 115000 тонн буудя өгх зурата бәәсн болхла, 165461 тонн буудя орулдж өгсмн, эс гидж зурагъан 142,9 процент күүцәв. Болв, зәрм селәнә эдл-ахус ода чигн тәрәгъән хурагъа бәәнә.

Эн джил тәрә хуралгън, цоклгън джангърта болн күнд болв. Юнгад гихла, тәрә эклдж хуралгънас авн хур икәр орв, тер учрар тәрән зәрм газрарн йир икәр кевтдж одв. Тегәд колхозмуд болн совхозмуд тәрә хуралгъиг, цоклгъиг онц-онцднь келгънә эв-аргъар күүцәснә ашд ургъцан геелт уагъар хурадж, цокдж авб. Западн района совхозмуд цуг тәрәнәс 81 процентинь онц-онцднь хурадж, цокдж авлгъна эв-аргъар хурадж авб. Западн, Яшалтинск болн Приютненск райодин эдл-ахус тәрәгъән үзмджтәгъяр болн бүрдәмджтәгъяр хурадж, цокдж авб. Эн райодин эдл-ахус тәрә халлгъиг 10-12 хонгин эргид дуусв.

Хальмг республикин күүцкөлсчнр государствд буудя орулдж өглгънә зурагъан болзгаснь урд 142,3 процент күүцәв. Ода колхозмуд болн совхозмуд тәрәнә эк кех, страховой болн малд өгх буудян кбрнь күүцднь бел кечкв.

Кесг колхозмудин болн совхозмудин ургъц сән болсн учрар, центнер буудян унь килвр болдж гарв. Келхд, Западн района „Южный“ совхоз гектар болгънас дундлад 21

центнер, эн совхозин 4-ч номертә оглелень болхла гектар болгънас 26 центнер буудя хурадж авб. Зурагъар темдглсн центнер буудян унь 22 арслнь богх зөвтә бәәсн болхла, центнер буудян унь 12 арслнь болдж гарв.

Болв, эн джил сән ургъцта болсн бийнь, Целинн района колхоз гектар болгънас зуг 12,8 центнер, совхозмуд—7,5 центнер буудя цокдж. Элт балгъсна колхозмуд гектар болгънас дундлад 9,8 центнер, „Буратинский“ совхоз гектар болгънас 6,9 центнер буудя хурадж авб. Ягъад иим багъ ургъц авб гихлә, деер келгдсн колхозмудин болн совхозмудин гардачнр, тер дотр агрономс, бригадирмуд тәрәгъән цаглань чинртә экәр тәрснәннь хбән сән асрлгъ эс кесн учрар багъ ургъц авсн болджана.

Ода Хальмг республикин колхозмудин болн совхозмудин гардачнр, специалистр селәнә эдл-ахун производствд күүцсн нүүрлгч дамшлтиг болн наукин күүцвриг эврәннь эдл-ахудан күүцднь олзлхин төлә колхозникуд, кәдлмчнр болн механизатормуд дунд цәәлгъврин кәдлмш делггәх кергтә.

Селәнә эдл-ахун специалистрин дамшлтиг, медрлиг өбдлүлхин кергт, эдниг дару-дарунь хурадж, селәнә эдл-ахун экономикин төрәр күүндвр кегъад, ургъцан улм өбдлүлхин аргъ хәәгдх зөвтә.

Хальмг республикин газр-усна бәәдлд хаврар хагълсн газрт намрар тәрсн тәрән ик ургъц өгнә. Тегәд джиг болгън тегш ургъц авхин төлә эдл-ахуд бәәх эв-аргъан, техникән күүцднь олзлх керг ик чинр зүүдженә.

М. КИРЮШКИН,

Хальмг АССР-н селәнә эдл-ахун управленә зуран отделин агроном